

# С у р г ь у л и н с ь л ь д р

Элст балгъсна долан джил-  
лӓ 2-ч номертӓ школин съл  
урокд сургъульчнрин эк-эцкнр  
орлцв.

Негдгч классин сургъульч-  
нрла зергӓдж суугъад, багш-  
нрин сурсн сурврмудт сур-  
гъульчнр ямаран хӓрӓ ѓгцхӓ-  
сиг эдн сонъсцхав, теднӓ бич-  
сн тетрадьмудинь хӓлӓцхӓв.

Сургъулян йилгъӓн сӓӓнӓр  
сурсн Людан ѓгсн хӓрӓг те-  
рӓнӓ эк Нина Пандинова  
сонъсв. Эн Люда турӓн джил-  
дӓн медрлин батта ул авб.  
Эклӓд негдгч классд орхдан  
Люда хальмг кел меддго билӓ,  
ода орс, хальмг хойр келӓр  
алькарнь болв чигн тегш  
умшдж чадна. Негдгч классин  
багш Босхмджин Байгушт  
Людан экнь ханлтан ѓргв.

Урок тӓгсхлӓ, багшнр сур-  
гъулин джилин аш диглцхӓв.  
Негдгч классин сургъульч  
болгънд зунн амрлгъна сул  
цагтан ямаран дектрмӓд умш-  
хинь заадж бичсн тодлвр бичг  
ѓгв.

Сургъульчнриг болн сургъу-  
льчнрин эк-эцкнриг йӓрӓлж  
школин директор Болдра  
болн завуч Бабенко Анна уг  
келцхӓв.

Сургъулян йилгъӓн сӓӓнӓр  
ласцхасн сургъульчнрт дек-  
трмӓдӓр белг ѓггдв. Гурвдгч  
классин сургъульч, сургъулян  
йилгъӓн сӓӓнӓр тӓгсгӓсн Алек-  
сандр Соколовский онц темдг-  
тӓ белг авб. Эн кӓвӓн сур-  
гъулин джилин туршаргзу гар  
дектр умшдж. „Пятнадцати-  
летний капитан“ гидг дурта  
дектрӓрнь терӓнд белг ѓгв.

Сургъулин джил тӓгсӓсн  
нерӓдсн сургъульчнрин на  
сӓн болв. Сургъульчнр энӓнд  
эврӓннь билг-эрлмӓн узулц-  
хӓв, Акопян Вадик — „Что такое  
хорошо, что такое плохо“  
гидг шӓлг чееджӓр умшлж  
ѓгв. Богданова Тамара — „Вот  
какая мама“ гидг шӓлг умш-  
дж ѓгв. Вдовенко гидг сур-  
гъульч матросин би — „Яблоч-  
ко“ берк сӓӓнӓр биилв.

И. ШАНТАРОВИЧ.